

გორის მუნიციპალიტეტის საკრებულოს წევრის- ლეილა მამულაშვილის
2021 წლის 3 დეკემბრიდან 2022 წლის 30 ოქტომბრის ჩათვლით გაწეული საქმიანობის
შესახებ ანგარიში

2021 წლის 3 დეკემბრიდან 2022 წლის 30 სექტემბრის ჩათვლით დავესწარი გორის მუნიციპალიტეტის საკრებულოს 15 სხდომას და მონაწილეობა მივიღე 214 საკითხის განხილვაში.

დავესწარი 18 ბიუროს სხდომას და მონაწილეობა მივიღე 359 საკითხის განხილვაში.

ვარ ფრაქცია „ქართული ოცნება-დემოკრატიულ საქართველოს“ წევრი. დავესწარი ფრაქციის 10 სხდომას და მონაწილეობა მივიღე 157 საკითხის განხილვაში.

ვარ სამანდატო, საპროცედურო საკითხთა და ეთიკის კომისიის თავმჯდომარე და ჯანდაცვის, განათლების, სპორტის, კულტურის და სოციალურ საკითხთა კომისიის წევრი. ჩავატარე სამანდატო, საპროცედურო საკითხთა და ეთიკის კომისიის 7 სხდომა და მონაწილეობა მივიღე 27 საკითხის განხილვაში. დავესწარი ჯანდაცვის, განათლების, სპორტის, კულტურის და სოციალურ საკითხთა კომისიის 6 სხდომას და მონაწილეობა მივიღე 14 საკითხის განხილვაში.

მიმდინარე პერიოდში, როგორც საკრებულოს წევრი პერიოდულად ვესწრებოდი სახვადასხვა სახის ღონისძიებებს და ვხვდებოდი ჩვენს ამომრჩევლებს.

ქალაქ გორში, მე-12 საჯარო სკოლაში შევხვდი მუნიციპალიტეტის სკოლების დირექტორებს. მათ მიერ სოფლებში დასახელდა წყლის, ხელოვნური უსწორმასწორობების და სკოლასთან მისასვლელი გზის მოასფალტების პრობლემა.

ჩემს კოლეგებთან ერთად დავაყენე ახალგაზრდული შემეცნებითი ბანაკის მოწყობის საკითხი, რომელიც მერიამ წარმატებით განახორციელა გორის მუნიციპალიტეტის სოფელ ბოზნევეში და დაბა ბაკურიანში. დავესწარი როგორც ბანაკების გახსნას, ასევე მათ დახურვას. ახალგაზრდებმა მოითხოვეს ბანაკის გაფართოვება შემდგომ წლებში და მუნიციპალურ ტრანსპორტში სტუდენტური შეღავათები.

ვერხვების დევნილთა დასახლებაში დასახელდა ტრანსპორტის და საკანალიზაციო სისტემის პრობლემა. ითხოვეს პენსიის ადგილზე მიტანის უზრუნველყოფა.

ქალაქში არსებულ „კეთილდღეობის და განვითარების ცენტრში“ დავესწარი ბავშვთა რეაბილიტაციის ქვეპროგრამის განხილვას, რომლის მიზანია შშმ ბავშვთა ფიზიკური და ფსიქიკური მდგომარეობის გაუმჯობესება და საზოგადოებაში ინტეგრაცია. ამ კუთხით დავსახეთ მუნიციპალიტეტთან თანამშრომლობის გზები.

ქალაქის ტერიტორიაზე ინფრასტრუქტურული პროექტების გაცნობა/მონახულების მიზნით პერიოდულად ვხვდები ამომრჩევებს, ვისმენ ამ კუთხით მოსაგვარებელ

პრობლემებს, რომელთა ძირითადი ნაწილი ეხება მრავალბინიანი საცხოვრებელი სახლების სახურავებს და სადარბაზოებს. საკრებულოს წევრებთან ერთად გავეცანი „ახალბაღის“ პარკის სარეაბილიტაციო სამუშაოებს.

დავესწარი ახალგაზრდებთან შეხვედრას საკრებულოს საქმიანობის გაცნობის მიზნით. ასევე მოვახდინე პროფესიულ სასწავლებლებში სტუდენტების ინფორმირებულობა მათთვის საინტერესო საკითხებზე.

დავესწარი სახელმწიფოს მიერ მიერ დაფინანსებული სოციალური საწარმოების გახნას მუნიციპალიტეტში, სადაც ქალმა მეწარმეებმა დაასახელეს მათ მიერ წარმოებული პროდუქციის რეალიზაციის პრობლემა.

ვარ გორის მუნიციპალიტეტის გენდერული თანასწორობის საბჭოს წევრი.

მიმდინარე პერიოდის განმავლობაში სისტემატიურად ვთანამშრომლობ ადგილობრივ არასამთავრობო და საერთაშორისო ორგანიზაციებთან, მასმედიის საშუალებებთან მთელ რიგ პრობლემებთან დაკავშირებით.

ამასთან, ჩართული ვარ როგორც სამოქალაქო ბიუჯეტირების განხილვის, ასევე მუნიციპალიტეტის 2023 წლის ბიუჯეტის დაგეგმვის პროცესში და პრიორიტეტების დოკუმენტის შემუშავებაში.

გორის მუნიციპალიტეტის საკრებულოს წევრის ლეილა მამულაშვილის

ამომრჩევლებთან შეხვედრის დამადასტურებელი

ოქმი

ქალაქი გორი

2022 წლის 20 ოქტომბერი.

სხდომას ესწრებოდნენ :

საკრებულოს თავმჯდომარე: დავით რაზმაძე;

ფრაქცია „ქართული ოცნება - დემოკრატიული საქართველო“- ფრაქციის თავმჯდომარე:
კობა ბერიანიძე;

საკრებულოს წევრი: ლეილა მამულაშვილი;

სხდომას ასევე ესწრებოდნენ: ცენტრის ადმინისტრაციული ერთეულის მოსახლეობა და
საკრებულოს აპარატის უფროსი სპეციალისტი ხატია ჯალაბაზე.

სხდომას თავმჯდომარეობდა: საკრებულოს თავმჯდომარე დავით რაზმაძე.

დღის წესრიგი

საკრებულოს წევრის ლეილა მამულაშვილი 2021 წლის 3 დეკემბრიდან 2022 წლის 30
სექტემბრის ჩათვლით განვლილ პერიოდში გაწეული მუშაობის შესახებ ანგარიში

სხდომის თავმჯდომარემ დამსწრე პირებს წარუდგინა საკრებულოს წევრი ლეილა
მამულაშვილი და გააკეთა განმარტება, რომ საკრებულოს ყველა წევრი ვალდებულია
წელიწადში ერთხელ მაინც, არაუგვიანეს 1 ნოემბრისა, ამომრჩეველს წარუდგინონ ანგარიში
გაწეული მუშაობის შესახებ, ანგარიშის განხილვისას უპასუხონ ამომრჩეველთა მიერ დასმულ
შეკითხვებს.


სხდომის დღის სწესრიგის მიხედვით სიტყვა გადასცა საკრებულოს წევრს ლეილა
მამულაშვილს, რომელმაც დეტალურად ისაუბრა 2021 წლის 3 დეკემბრიდან 2022 წლის 30
სექტემბრის ჩათვლით განვლილ პერიოდში მის მიერ გაწეული საქმიანობის შესახებ.
აღნიშნა ის გამოწვევები და სიკეთეები რაც თან ახლდა მოსახლეობის პრობლემების
მოგვარებას. მოსახლეობის მხრიდან დაისვა შეკითხვები, რომლებიც ძირითადად

ეხებოდა ინფრასტრუქტურულ პროექტებს და სოციალურ პრობლემებს. საკრებულოს წევრმა ლეილა მამულაშვილმა აღნიშნა, რომ იგი აქტიურადაა ჩართული მუნიციპალიტეტის 2023 წლის ბიუჯეტის პროექტის შედგენის და პრიორიტეტების დოკუმენტის მომზადებაში, სადაც ასევე იქნება მოსახლეობის ის პრობლემები ასახული რომელის გაკეთებაც ვერ მოხერხდა ამ წლის ბიუჯეტიდან.

აზრი გამოთქვას: ნანა ტერმაკოზაშვილმა და ლეილა წკრიალაშვილმა.

გადაწყვიტეს: პრობლემების გამოვლენის და აღმოფხვრის მიზნით გაიზარდოს მოსახლეობის ჩართულობა, რისთვისაც უფრო სისტემატიური ხასიათი მიიღოს საკრებულოს წევრების და ამომრჩევლების ურთიერთშეხვედრებმა და ურთიერთ თანამშრომლობამ.

სხდომის თავმჯდომარე:



დავით რაზმაძე;

საკრებულოს წევრი :



ლეილა მამულაშვილი.